

IMAQARNILIAQ AIA - Aningaasaqarnermut Inuussutissarsionermullu Ataatsimiititaq Tamanna pivoq. 21-04-2026

Ulloq ataatsimiiffissaq Tirsdag Tamanna pivoq. 21. april 2026 kl. 19:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Suliniuteqarfimmut aningaasanik atuineri killiffik pillugu ilisimatitsissut.....	6
Innuttaasut innarluutillit angalanissamut immikkut qinnuteqartarfissaannik misiliummik aqqissuus	8
Nalakkersuisut, Kommuneqarfik Sermersuup aamma Greenland Anorthosite Mining A/S-ip akorn	11
Nuummi Kofoed Skolep suliasai pillugit aalajangiineq.....	14
Nuummi innuttaasunut inuttut ajornartorsiuteqartunut Sammisassatut neqeroorutiniq neqerooruteqa	17
Immikkut ittumik ataasiaannartumik imigassallersinnaanermut akuersissummik qinnuteqaat.....	19
Nuummi Takornariaqarnermut pilersaarut.....	20
Umiarsuit takornariartaatit akiliutaannit takornariaqarnermut suliniutiniq pingaarnersuineq.....	22
2027-mut Missingersuusiornermut malittarisassat.....	25
Kommunimut pilersaarummut tapiliussatut siunnersuut nr. 15, 4B4 Inuussutissarsiuteqarfik, Avannaarsuaq	27
Nuummi Qamutit SAR-imeersunut aningaasatigut tapiissuteqartoqarnissaanik qinnuteqaat.....	28
Lukket.....	30
Imaqarniliap akuerineqarnera.....	30
Tamalaat.....	31

Ilaasortat:

Avaaraq S. Olsen (IA), Siulittaasoq

Uju Petersen (IA)

Poul Petersen (D)

Justus Hansen (D)

Martha Abelsen (S)

Dorthe-Marie Mogensen-Fontain (S)

Peter Davidsen (S)

Suliniuteqarfimmut aningaasanik atuineri killiffik pillugu ilisimatitsissut

Ilisimatitsissut

SagsID.: EMN-2025-02408

Meeqqanut Ilaqutariinnullu Ingerlatsivik – pisortaq Frederik Lundblad / FREL

Inassuteqaat

Meeqqanut Ilaqutariinnut Atuartitaanermullu Ataatsimiititamut Aningaasaqarnermut

Inuussutissarsiornermullu Ataatsimiititamut inassuteqaatigaa:

1. ilisimatitsissut tusaatissatut tiguneqassasoq

Suliassamik saqqummiussineq

2025-mi Inissiineri kontumit Suliniuteqarfimmut immikkoortinneqartut 4 mio. kr.-t atorneraranni killiffik pillugu Meeqqanut, Ilaqutariinnut Atuartitaanermullu Ataatsimiititaq ilisimatinneqarpoq.

Suliniutit naammassineqartut:

Umiatsiamik matoqqasumik inunnut 12-inut inissalimmik pisisoqarpoq (1.9 mio. kr.).

Umiatsiaq Suliniuteqarfimmi meeqqanut ilaqutariinnullu pinngortitamik aallaavilinnik sammisanut atatillugu angallassinermut atorneqassaaq.

Imarsiornermut Aqutsisoqarfimmit ilaasunik angallassinissamut inaarutaasumik akuersissutigineqareerpat kiisalu angallataatillit peqatigiiffiannit imaluunniit umiarsualivimmi umiatsiaq inissaqalerpat aatsaat umiatsiaq atorneqalissaaq.

Viska Horses (430.000 kr) aamma suleqatigalugu hiistit atorlugit inuunerissaanermik misiliutigalugu suliniummik ingerlatsisoqarpoq. Suliniut pitsaasunik angusaqarfiuvoq. Meeqqat aamma angajoqqaat atugarissaarnerminni, atassuteqarnerminni aamma misigissutsinik isumaginnissinnaanerminni pitsanngoriaateqarput (ilangussaq takuuk). Misilittakkat aamma takutippaat suliniut atuarumajunnaarnermut pinaveersaartitsisinnaasoq aamma ilaqutariit nalinginnaasumik atugarissaarnerannut nukittorsaasinnaasoq. Tamanna tunngavigalugu suliniutit nanginneqarnissaa pilersaarutigineqarpoq. Taamaattumik ingerlatsivimmit ilassutitut aningaasaliissutinik qinnuteqartoqarnissaa eqqarsaatersuutigineqarpoq, taamaalilluni suliniut 2026-p sinnerani ingerlaannarniassammat.

Suliniutit suli naammassineqanngitsut:

2025-mi meeqqanik aamma inuusuttunik pinaveersaartitsineri siunnersuineri nukittorsaasussanik inuusuttunut siunnersortinik marlunnik atorfinitsitsineri aningaasanik immikkoortitsisoqarpoq (1 mio .kr.) Taamaattoq piukkunnartunik qinnuteqartunik atorfinitsitsisoqarsinnaasimanngilaq, aammalu taamaattumik suliniut 2025-mi piviusunngorsinnaasimanani.

Aamma ilaqutariinnik sapaatip akunnerata naanerani pinngortitamut angalatitsineri (200.000 kr.) kiisalu pinaveersaartitsineri suliniummut angajoqqaanut atornerluisunut siunnerfilimmut (75.000 kr) aningaasanik immikkoortitsisoqarpoq. Sammisassat taakkua aamma 2025-mi ingerlanneqanngillat ilaatigut sulisussaaleqinermik aamma suliniutinik allanik pingaarnersiuiueq pissutigalugu.

Taamaalilluni suliniutinut taakkununga aningaasaliissutit 2025-mi atorneqanngillat aamma 2026-mut missingersuutitut nuunneqaratik.

Ingerlatsivimmit suliniutit piviusunngortinneqarnissaat sulissutigineqaannassaaq, aama tassunga atatillugu piffissami kingusinnerusumi ilassutitut aningaasaliissutinik qinnuteqartoqarnissaa eqqarsaatigineqarpoq, tamanna sulianut aaqqissuussinikkullu attuumassuteqassappat.

Suliniutit ingerlasut:

Mianerinnittumik angerlartitsinissat pingaartillugit ataqatigiissaarinissamut suliniummik aqutsisussamut aningaasat (295.000 kr). atorneqalereerput. Ilaqutariinnut aaqqutissiuussisut aamma perorsaanikkut mentorit angajoqqaat peqatigalugit sammisassanik pilersaarusiuleruttorput ingerlatsillutillu.

Inissiinerup kingornatigut toqqissisimanartumik patajaatsumillu angerlartitsinermi meeqqanik ilaqutariinnillu tapersersuinissaq siunertaavoq. Suliniut kommunimi meeqqanut toqqissisimasumik mianerinnittumik angerlartitsinissaq pillugu pingaarnertut anguniarneqartunut tapertaavoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Oqaaseqaateqartoqanngilaq.

Inatsisitigut tunngavissaq allakkallu tunngaviusumik uppersaataillit

- Meeqqanut Ilaqutariinnullu Politikki 2025 - 2035

Siusinnerusukkut aalajangiinerit

Meeqqanut, Ilaqutariinnut Atuartitaanermullu Ataatsimiititaq, 10.04.26:

Ilisimatitsissut tusaatissatut tiguneqarpoq.

Ilanngussaq

1. 2025-mi Aningaasaqarneq pillugu pilersaarut
2. VISKA Horses
3. Sapaatip akunnerata naanerani asimiinnissamut neqeroorut

Innuttaasut innarluutillit angalanissamut immikkut qinnuteqartarfissaannik misiliummik aaqqissuussineq

Ilisimatitsissut

SagsID.: EMN-2026-00697

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Isumaginninnermut Inunnullu Innarluutilinnut Ataatsimiititamit Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

2026-mut missingersuutit pillugit isumaqatigiissuteqarnermut atatillugu Kommunalbestyrelsimit aalajangerneqarpoq 3 mio. kr.-it innuttaasunut innarluutilinnut angalanissamut immikkut qinnuteqartarfissaannut immikkoortinneqassasut. Aningaasaliissutit ukioq ataaseq 2026-mi misiliummik aaqqissuussinissamut immikkoortinneqarput, tamannalu tunngavigalugu qinnuteqartarfissamut malittarisassanik ingerlatsivimmit siunnersuuteqartoqarpoq (ilanngussaq 1).

Kommune aningaasaliissutinik kiffartuussinermi pitsanngorsaaitut tamanut atuuttumik agguaassinissamut inatsisitugut pisinnaatitaanngilaq, suliassaqarfik inuit innarluutillit pillugit inatsimmi malittarisassaqaartinneqareenera pissutigalugu. Politikkikkut kissaatigineqartoq inatsisit malillugu atuutilersinniarlugu, periarfissatuaavoq misiliummik aaqqissuussinissaq, inuit innarluutillit pillugit inatsimmi § 53 innersuussutigalugu. Taamaattoqassappat Naalakkersuisut akuersiteqqaarneqassapput.

Inuit innarluutillit pillugit inatsimmi (§§ 54-58) angalanissamut maannakkut aalajangersakkani allassimavoq, innuttaasut najugaqatigiiffinni najugallit ukiumut 1-2-riarlutik suminngaanneerfimminnut tikeraarsinnaatitaasut. Tikeraarnerit amerlassusiannut innuttaasup ukiui qanorlu inissisimanera apeqqutaavoq. Misiliummik aaqqissuussinermi kommune paasissutissanik pingaarutilinnik pissarsitinneqassaaq innuttaasup angalanissamik pisariaqartitsineranut tunngasunik.

Ataatsimiititamit inassuteqaatigineqartoq akuerineqassappat, suliassamik saqqummiussissut malittarisassallu ilanngunneqartut tassaassapput kommunip Naalakkersuisunut qinnuteqarnissamut tunngavissai.

Misiliummik aaqqissuussinermi qinnuteqarnermi periarfissat pingasut politikkikkut pingaarnersiorinissaannik pisariaqartitsineq

Aningaasaliissutaasuni siunertaavoq inuit piginnaasakillisasut atugarissaarnerannik, inuunerup pitsaassusianik aammalu naligiimmik inuiaqatigiinni peqataanissaannut siuarsaanissaq. Innuttaasut assigiinngitsunik inuuneqarnerat pisariaqartitsinerallu isaassiffiginiallugu misiliummik aaqqissuussineq qinnuteqarnermi pingasunik periarfissaqassaaq:

- Saniatigut allamik ilaqtutanut tikeraarnissaq
- Immikkut tikeraarneq, taamaaliillutik ilaqtutat suminngaanneerfillu tikeraarneqassammata, sumiiffinni avinngarusimatilluni
- Angalanerit inoqatinut kulturikkullu tunngasuni peqataajartorluni

Qinnuteqarfissami aningaasaliissutit killeqarmata, ingerlatsivimmiit naatsorsuutigineqarpoq, qinnuteqartut aningaasaliissutigineqartunit amerlanerussasut. Taamaattumik ingerlatsivimmiit qinnuteqaatigineqarpoq qinnuteqarnermi periarfissat pingasuusut ataatsimiititamiit procentinngorlugit agguataarneqassasut Aningaasaliissutit agguataarneqassapput procentinngorlugu agguataarinissamik politikkikkut aalajangiunneqartoq malillugu, taamaaliornikkut aningaasat ersarissumik naapertuuttumillu malittarisassaqluni agguataarneqarnissaat qulakkeerneqassammat. Periarfissami ataatsimi qinnuteqartut naammanngippata, aningaasaliissutit periarfissat sinnerinut agguanneqassapput.

Qinnuteqarnermi periarfissat pingasut pillugit, aningaasatigut aqutseriaaseq, allaffissorneq, tulleriissaarineri piumasaqaatit aammalu nalilersuineri tunngasut tamakkiisumik nassuiaatitaat ilanngussaq 1-imi allassimapput.

Piffissalersuineq aamma nalilersuineq

Naalakkersuisut sukkasuumik suliarinninnissaat apeqqutaalluni, qinnuteqartarfissaq innutaasunut ammassaaq 2026-imi kvartaalit aappaani. Misiliummik aaqqissuussineq pillugu 2027-mi kvartalit siullianni ingerlatsivimmiit nalilersuineri suliaqartoqarumaarpoq, taannalu inuit innarluutillit pillugit inatsisinik siunissami allannguuteqartitsinissamut kommunip siunnersuutissaanut tunngaviliisuusinnaavoq.

Ingerlatsivimmiit aningaasatigut sulisoqarnikkullu naliliinerit

Aningaasaliissutit 2026-mi katillutik 3 mio. kr.-iupput, taakkulu atorlugit angalanerit 52-iussinuasut ingerlatsivimmiit nalilerneqarpoq. Innuttaasut nalinginnaasumik angalanissamik aammalu innuttaasut immikkut angallassissuteqarnissamik angalaqateqarnissamillu pisariaqartitsisut akuersaarneqarnissaat qulakkeerniarlugu, malittarisassat marloqiusamik periarfissaqarput. Periarfissami tassani naapertuuttumik agguataarinissaq qularnaarneqarpoq, nalinginnaasumik pisariaqartitsisunut angalanissamut 30.000 kr.-it tikillugit tapiisoqarsinnaalluni (aningaasaliissutinit 40 %) aammalu annertusisamik tapiiffigineqarnissamik pisariaqartitsisunut 150.000 kr. (aningaasaliissutinit 60 %). Taamaaliornikkut Inuit innarluutillit pillugit FN'imi isumaqatigiissut qulakkeerneqarpoq. Ilanngussaq 2-miit ilanngussaq 1 ilanngullugu itisiliinerit takukkit.

Qinnuteqartitsisarnerit 2026 ilanngullugu ingerlassammata, angalanissamut akueritittut suliaassartai eqqarsaatigalugit aatsaat 2027-p aallartinnerani ingerlanneqarsinnaalissapput. Taamaattumik ilassutitut aningaasaliiffigineqarnissamik qinnuteqaatit suliarineqarnissaannut siullermut aningaasaliissutit affaasa 2027-mut nuutinneqarnissaat ingerlatsivimmiit qinnuteqaatigineqarniarput.

Qinnuteqaatit suliarinerat tulleriissaarisartuni suliassanik amerlisaataassaaq. Suliassaq ingerlatsivimmi sinaakkutit pioreersut atorlugit suliarineqarnissaa naatsorsuutigineqarpoq, kisianni qinnuteqartitsinernut atatillugu sullissisut suliassaannut allanut sanilliullugu sukannersumik pingaarnersiuisoqarnissaa pisariaqassaaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Kommunip missingersuutai ukiuni tamani - 2027 ilanngullugu inatsisitigut sinaakkusiussat tamakkerlugit qaffasinnerpaamik missingersuusiorneqarput. Imaappoq, 2026-imiit 2027-imut 1,5 mio. kr.-inik aningaasaliissutinik siumut illikartitsineq, 2027-imut missingersuusiornernup ingerlanerani 1,5 mio. kr.-nik nassaarniarluni pingaarnersiuiernerim allanngortiterisoqartariaqassammat.

Inatsisitigut tunngavissaq allakkallu tunngaviusumik uppernarsaatillit

- Inuit innarluutillit tapersersorneqarnissaannut Inatsisartut inatsisaat nr. 13, 12. juuni 2019-imeersoq

- Missingersuutit pillugit isumaqatigiissut 2025-2026 ilanngussartalik 5.1 missingersuutitut siunnersuutit akuerisat

Siusinnerusukkut aalajangiinerit

Isumaginninnermut Inunnullu Innarluutilinnut Ataatsimiititaq, 07.04.26:

Suliffeqarnermut Isumaginninnermullu Ingerlatsivimmit Isumaginninnermut Inunnullu

Innarluutilinnut Ataatsimiititamut inassuteqaatigineqarpoq:

1. misiliummik aaqqissuussinermi qinnuteqartarfissat pingasut procentinngorlugit agguataarneqarnissaat akuerineqassasoq
2. qinnuteqartarfimmut malittarisassat saqqummiunneqartut akuerineqassasut
3. aaqqissuussinermik pilersitsineq pillugu ingerlatsivimmit Naalakkersuisunut § 53-imik qinnuteqaammik nassiussineq akuerineqassasoq
4. suliaq Aningaasaqarnermut Inuussutissarsiornermullu Ataatsimiititamut ilisimatitsissutitut ingerlateqqinneqassasoq

Inassuteqaatini imm. 1.: Ataatsimiititaliap 60 - 40 %-imik agguataarineq misileraalluni aaqqissuussatut ukioq ataaseq atuuttussatut akuersissutigaa.

imm. 2.-miit 4-mut: Inassuteqaatit akuersissutigineqarput.

Ilanngussaq

1. Angalanissamut qinnuteqartarfimmut malittarisassat
2. E-maili advokatimit

Naalakkersuisut, Kommuneqarfik Sermersuup aamma Greenland Anorthosite Mining A/S-ip akornanni Impact Benefit Agreement pillugu (IBA pillugu isumaqatigiissuteqarnerannik) akuersissuteqarneq

Aalajangiiffigisassaq

SagsID.: EMN-2026-00615

Suliffeqarfiup Iluani Kiffartuussivik - vicekommunaldirektøri Marie Fleischer (MAFL)

Inassuteqaat

Suliffeqarfiup Iluani Kiffartuussivimmit Aningaasaqarnermut Inuussutissarsiornermullu

Ataatsimiititamat inassuteqaatineqarpoq:

1. Naalakkersuisut, Kommuneqarfik Sermersuup aamma Greenland Anorthosite Mining A/S-ip akornanni IBA pillugu isumaqatigiissutip imarisai, Qeqertarsuatsiaat avannamut kangiatungaaniittumi Majoqqap Qaavani 30 km.-isut ungasitsigisumiittumi aatsitassarsionissamik imaqartoq akuersissutigineqassasoq.

Suliassamik saqqummiussineq

Aatsitassanut tunngasunik suliaqarneq pillugu Inatsisartut inatsisaat nr. 26, 13. juuni 2023-meersoq naapertorlugu, Naalakkersuisut, aatsitassarsiorlut kommunilu pineqartoq inuiaqatigiinni attassisinnaaneq aammalu inuttut aningaasatigullu atugarisat allat pillugit (IBA pillugu isumaqatigiissummik) isumaqatigiissuteqassapput. Inatsimmi atuuttumi aatsitassarsiorfik Greenland Anorthosite Mining A/S aamma Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfimmi - Akuersissutinut immikkoortortaqqarfik Sermersuumi Inuussutissarsiornermut immikkoortortamit oqaloqatigineqarsimapput.

IBA pillugu isumaqatigiissut qaqugorpiaq inissinneqassanersoq aalajangersimasumik piffissaliisoqanngilaq, taamaattorli kommunimut namminersorlutillu oqartussanut erseqqissaatigineqarluni, isumaqatigiissutip piaartumik inissinneqarnissaa suliffeqarfimmut pingaaruteqartoq. Tamatumani patsisaalluni, IBA pillugu isumaqatigiissuteqannginneq suliffeqarfiup pilersaarummut aningaasanik atugassaqaarniarnissamut akimmisaarfeqalersinnaanera.

Isumaqatigiissummi siunertaavoq, aatsitassarsiorneq inuiaqatigiinni Kalaallit Nunaanniittuni erseqqissunik uuttorneqarsinnaasunillu iluanaarutaanissaa qulakkiissallugu – pingaartumik kommunimi kalluarneqartumi – najugaqavissunik sulisussanik atuineq, ilinniartitaaneq, najukkami pisiortortarfinnik atuineq, ilinnialernissamut tapiissutit aammalu ukiumoortumik nalunaarusiorneq oqaloqatigiinnerlu aqqutigalugit.

Najugaqavissut sulisartut

Suliffeqarfik pisussaavoq, qaammatsiutini ukiut tamaasa, qulakkiissallugu sulisinnaasut katillutik 40%-ii tassaassasut sulisartut nunaqavissut. Sanaartornertaani sulisut 30-t 40-llu akornanni amerlassuseqassanganneqarput kiisalu ingerlatsinertaani sulisut 60-it 85-illu akornanniissanganneqarlutik. Naatsorsuineq pissaaq sulisut ulluni qassini sulisimaneri tunngavigalugit (ullut sulisimanerit ukiumi ullut katinnerannik agguarlugu). Sulisartut nunaqavissut tassaapput inuit

- Kalaallit Nunaanni inunngorsimasut,
- sivikinnerpaamik ukiuni tallimani Kalaallit Nunaanni aalajangersimasumik najugaqarsimasut
- Ukiuni kingullerni qulinit ukiut arfineq-marluk Kalaallit Nunaanni najugaqarsimasut
- imaluunniit katissimasoq/inooqatilik, piumasaqaatinik qulaani taaneqartunik naammassinnittoq

Lærlingit praktikkertullu sulisutut naatsorsuutigineqassapput.

Suliffeqarfiup anguniarneqartoq naammassinnigippagu aammalu nunaqavissunik piukkunnartunik sulisoqarniarnermi naammanngitsunik uppersaatsissaqanngikkuni, Råstoffonden-imut procentpointi amigaataasoq ataaseq 100.000 kr.-nik akiliuteqarfigissavaa. Nikingassutaasoq 5 procentpoint-iuppat minneruppalluunniit, akiliutaasoq 50%-inik ikilineqassaaq. Kisianni akiliisoqassanngilaq, nunaqavissunik piukkunnartunik pissarsisinnaannginneq uppersarneqarsinnaappat.

Ilinniartitsinissamik pisussaaffik

Sanaartornerup aallartinneraninngaanniit suliffeqarfik piumaffigineqarpoq ukiumoortumik ilinniartitsinissamik pisussaaffeqassasoq nunaqavissunut tunngatitamik. Aningaasat imatut atuutsikkiartorneqassapput:

- Ukioq 1: minnerpaamik 70.000 kr.
- Ukioq 2: minnerpaamik 140.000 kr.
- Ukioq 3 aamma tunisassiornerup aallartinnissaata tungaanut: minnerpaamik 210.000 kr.

Tunisassiornerup aallartinneraniit ukiumoortumik pisussaaffik minnerpaamik 250.000 kr.-inik qaffaaffigineqartassaaq tunisassiornerup naanissaata tungaanut.

Aningaasat pikkorissarnernut, ilinniagaqarnermut, uppersaatinik il.il. atornerqarsinnaapput, nunami avataanilu. Ilinniagaqarnermut atatillugu angalaneq najugaqarnerlu ilanngunneqassapput, allaffissornermulli aningaasartuutit ilanngullugit naatsorsorneqassanngillat.

Naammassineqanngippata nikingassutaasoq Råstoffondenimut akileqquneqassaaq (nikingassutaasut 50%-inik ikilillugit qaffasinnerpaamik 5 procentpointinik nikingassuteqartoqarpat).

Nunaqavissunik pilersuisoqarnissaq

Aatsitassarsiorfik tunisassiulerpat, suliffeqarfik nunaqavissunut pisiniarfisartagassaminik ukiumoortumik pisiniartarnissaminik pisussaaffeqalissaaq.

- sanaartornerup nalaani aningaasanngorlugit akiliutit 5%-iannik
- tunisassiornerup nalaani aningaasanngorlugit akiliutit 10%-iannik

Pisiniartarfiit nunaqavissut tassaapput suliffeqarfiit Kalaallit Nunaanni CVR-eqarlutik nalunaarsorsimasut.

Siunniunneqartoq naammassineqanngippat, aammalu nioqqutissat kiffartuussinerillu pisariaqartut kalaallinit pisiffigisanit naleqquttunik akillit pigineqarpata, nikingassutaasoq Råstoffondenimut akilerneqassaaq. Aamma tassani 5 procentpointinik ikinnerusunik nikingassuteqartoqarpat 50%-imik appaaffigineqarnissaq atuuppoq.

Ukiumut ataasiarluni ataatsimiittarnissaq

Suliffeqarfik ukiut tamaasa kommunimik Namminersorlutillu Oqartussanik ataatsimeeqatiginninnissamut aqqissuisuusassallunilu peqataasassaaq, tassani isumaqatigiissut malillugu suliasat naammassineqarsimasut saqqummiuttassallugit. Tamatuma saniatigut suliffeqarfik najukkami soqutigisaqatigiinnersunik ataatsimiititsisassallunilu peqataasassaaq, tassunga ilaallutik najukkami suliffeqarfiit, peqatigiiffiit kiisalu piniartut aalisartullu peqatigiiffii.

Ataatsimut naliliineq

IBA pillugu isumaqatigiisummi pituttuisumik aalajangersarneqarput, piumasaqaatit uuttorneqarsinnaasut aningaasatigullu kinguneqartitsiffiusussat, suliap najukkami suliffissanik pilersitsiffiunissaa, piginnaasanik qaffassaaffiunissaa, inuussutissarsiutinik ineriartortitsiffiunissaa kommunimilu aamma Kalaallit Nunaat tamaat eqqarsaatigalugu inuiaqatigiinni tapertaanissaa qulakkeerniarlugu. Isumaqatigiissutip imarai akit minnerpaaffissamik procentii, uppersaanissamut nakkutilliinissamullu atortut, suliasap naammassinissaanut ammasumik akisussaassuseqartumillu suliarinissaannut iluaqutaasussat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29 17. november 2017-imeersoq
- Inatsisartut inatsisaat nr. 26, 13. juuni 2023-meersoq

Ilanngussaq

1. IBA pillugu isumaqatigiissutissatut siunnersuut

Nuummi Kofoed Skolep suliassai pillugit aalajangiineq

Aalajangiiffigisassaq

SagsID.: EMN-2026-00551

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Isumaginninnermut Inunnnullu Innarluutilinnut Ataatsimiititamit Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

1. Nuummi Kofoed Skole peqatigalugu suleqatigiinnissamut isumaqatigiissusiamiittut suliassat utertinneqarnissaat akuersissutigineqassasoq, imaluunniit
2. Nuummi Kofoed Skole peqatigalugu suleqatigiinnissamut isumaqatigiissusiamiittut suliassat suliariumannittussarsiuunneqarnissaat akuersissutigineqassasoq, imaluunniit
3. Nuummi Kofoed Skole peqatigalugu suleqatigiinnissamik isumaqatigiissut ikorfartorteqarnermut aqqissuussanngorlugu allanngortinneqarnissaa akuersissutigineqassasoq, imaluunniit

Suliassamik saqqummiussineq

Isumaginninnermut Inunnnullu Innarluutilinnut Ataatsimiititaq ulloq 22. septembari 2025 eqqartuussissuserisut oqaaseqaataat "Nuummi Kofoed Skolemiit suliat isumagineqartut pillugit neqeroortitsisussaataaneq" pillugu ilisimatinneqarput. Oqaaseqaammik inerniliunneqarpoq Nuummi Kofoed Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akornanni ingerlatsinermit aamma suleqatigiinnissamik isumaqatigiissutaat massakkutut isikkoqartillugu ingerlatinneqaqqissinnaanngitsoq.

Siornatigut ilisimatitsissutaasimasut suliamut llanngussaq 1-tut ilanngunneqarpoq.

Eqqartuussissuserisup oqaaseqaataata kingunerisaanik Kommunalbestyrelsimi februaarip 16-ianni aamma 17-ianni immikkut sammisaqarnermi inooqataanikkut atugarliortut eqqartorneqarput.

Nuummi Kofoed Skolemiit suliat isumagineqartut pillugit neqeroortitsisussaataaneq pillugu eqqartuussissuserisup oqaaseqaataa tunngavigalugu Suliffeqarnermut Isumaginninnermullu Ingerlatsiviup nalilerpaa siunissami pingasunik periarfissaqartoq. Nuummi Kofoed Skole aamma Suliffeqarnermut Isumaginninnermilu Ingerlatsiviup akornanni Nuummi Kofoed Skole peqatigalugu Ingerlatsinermit suleqatigiinnissamullu isumaqatigiissutaasut atorunnaarsinneqarnissaannik imaluunniit isumaqatigiinninniutigineqaqqinnissaannik periarfissat tamarmik ilaatinneqarput. Isumaqatigiissummi atorunnaarsitsinissaa qaammatinut arfinilinnut sivilissusiligaavoq.

Periarfissat pingasut ataani allassimapput:

1) Suliassanik utertitsineq

Suliassanik utertitsineq Nuummi Kofoeds Skole peqatigalugu suleqatigiinnissamik isumaqatigiissummik taamaatitsinermit imaqassaaq. Ingerlatsivimmit Nuummi Kofoeds Skolemik ingerlatsinissamut suleqatigiinnissamullu isumaqatigiissummi suliassat nassuiaatigineqartut inatsisitigut pisussaaffiunngitsutut nalilerneqarput. Taamaattumik suliassaq pineqartoq politikkikkut sallinneqartariaqarpoq, Kofoeds Skole taarserlugu kommunimit aqunneqartumik neqeroorteqarnikkut ingerlatitsisoqassappat.

2) Suliassanik tamanut suliarinnittussarsiorneq (neqeroortitsineq)

Februaarip 16-ianni aamma 17-ianni immikkut sammisaqarnermi oqaluuserineqartut tunngavigalugit ingerlatsivimmit nalilerneqarpoq politikkikkut kissaatigineqartoq tassaasoq maannakkut suliassat tamanut suliarinnittussarsiuunneri ingerlaannassasoq. Taamaattumik Ingerlatsivimmit pisiniartarnermut immikkoortortaarfik suleqatigalugu suliariumannittussarsiorneq suliarineqarpoq taannalu suliami takuneqarsinnaalluni *"Nuummi innuttaasunut inuttut ajornartorsiuteqartunut Sammisassatut neqeroorutiniq neqerooruteqartitsineq"*. Inassuteqaat 1 imaluunniit 3 akuersissutigineqarpat suliaq oqaluuserisassanit peerneqassaaq.

3) Aningaasat Nuummi Kofoeds Skolemut tapiissutitut akuersissutigineqartut

Eqqartuussissuserisut oqaaseqaataanni inerniliunneqarpoq, suleqatigiinneq allangortinneqassappat, aningaasat Nuummi Kofoeds Skolemut tapiissutitut tunniunneqartalerlutik, neqeroortitsisarnermut inatsimmik unioqquitsinerussanngitsoq. Tapiissuteqarnikkut aqqiissuteqarnerup kingunerissavaa kommune Kofoeds Skolep siunertaanut (kommunimi) tapiissuteqassasoq, kommunilli neqeroorutip imarisaanut pitsaassusaanullu tassungalu atatillugu malinnaatitsinissamut piumasaqaateqarsinnaajunnaassaaq.

Isumaginninnermut Inunnullu Innarluutilinnut Ataatsimiititamit qulaani allassimasut periarfissat pingasuusuni ataaseq akuersissutigineqassaaq kingornalu aalajangiineq Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassalluni.

Periarfissani pingasuusuni ingerlatsivimmit naliliinerup takussutissartaa ilanngunneqarpoq kiisalu maannakkut suliat Nuummi Kofoeds Skolimut suliakkiutigineqarsimasut takussutissartaanik imaqarluni.

Ingerlatsivimmit aningaasatigut sulisoqarnikkullu naliliinerit

Maannakkut Nuummi Kofoeds Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akornanni ingerlatsinnermut aamma suleqatigiinnissamik isumaqatigiissutaat ukiumut 5,34 mio. kr.-nik akeqarpoq. Siunissamut aningaasatigut qanoq kinguneqassanersoq suliassaqaarfimmu politikkikkut kissaatigineqartut apeqqaassapput.

Missingersuusiormut Naatsorsuusiormullu Immikkoortortamit aningaasatigut naliliineq

Aalajangernerit missingersuutaareersut iluaniissimappata oqaaseqaatitassaqanngilaq.

Inatsisitigut tunngavissaq allakkallu tunngaviusumik uppersaattillit

- Angerlarsimaffeqanngitsunut periusissiaq
- Angerlarsimaffeqanngitsuuneq pillugu immikkoortumut pilersaarut
- Inersimasunut paaqqinniffiit immikkut siunertallit pillugit Inatsisartut peqqussutaat nr. 6, 28. april 1988-imeersoq

Siusinnerusukkat aalajangiinerit

Isumaginninnermut Inunnullu Innarluutilinnut Ataatsimiititaq, 07.04.26:

Ataatsimiititaliap inassuteqaatini imm. 2 akuersissutigaa, suliarlu Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqillugu.

Ilanngussaq

1. Nuummi Kofoed Skole peqatigalugu suleqatigiinnissamut isumaqatigiissut IIIA ulloq 22.9.2025
2. Nuummi Kofoeds Skolemit suliat isumagineqartartut pillugit neqeroortitsisussaataaneq pillugu oqaaseqaat

3. Nuummi Kofoeds Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akornanni Ingerlatsinermut suleqatigiinnissamillu isumaqatigiissutaat
4. Suliassat Nuummi Kofoeds Skolemut suliarinnittussarsiuussinikkut suliakkiutigineqarsimasut
5. Nuummi Kofoeds Skolemi siunissami suliassat pillugit aalajangiinerit Suliffeqarnermut Isumaginninnermullu Ingerlatsivimmit naliliiffigineqarnerat

Nuummi innuttaasunut inuttut ajornartorsiuteqartunut Sammisassatut neqeroorutiniq neqerooruteqartitsineq

Aalajangiiffigisassaq

SagsID.: EMN-2026-00551

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Isumaginninnermut Inunnullu Innarluutilinnut Ataatsimiititami Aningaasaqarnermut

Inuussutissarsiornermullu Ataatsimiititami inassuteqaatigineqarpoq:

1. neqeroortitsinermit atorussat akuersissutigineqassasut, taakkununga ilanngullugit suliaqkussinissamut piumasaqaatit akunnerminnilu pingartitat
2. Inunnut tarnikkut ilungersuuteqartunut suussuserneqarsimanngitsunilli suliniutitut ornittakkap neqerooruteqartitsinermit atoruni periarfissaatinnessaa akuersissutigineqassasoq
3. Suliffeqarnermut Isumaginninnermullu Ingerlatsivimmi pisortaq neqeroortitsineq tunngavigalugu isumaqatigiissusiornissamut piginnaatinneqassasoq
4. suliaq Kommunalbestyrelsimut ilisimatitsissutitut ingerlateqqinneqassasoq

Suliamik saqqummiussineq

Suliaq taanna peerneqassaaq, immikkoortumi *Nuummi Kofoeds Skolemi suliaqat pillugit aalajangerneq* inassuteqaatit 1 imaluunniit 3 akuerineqarpata

Suliffeqarnermut Isumaginninnermullu Ingerlatsivimmi pisiortortarnermut immikkoortoqarfik suleqatigalugu neqeroortitsinissamut atorussat pillugit siunnersuummik suliaqartoqarpoq. Neqeroortitsinermit atorussat Isumaginninnermut Inunnullu Innarluutilinnut Ataatsimiititami aamma Aningaasaqarnermut Inuussutissarsiornermullu Ataatsimiititami akuersissutigineqartussat ilanngunneqarput.

Ingerlatsivimmi siunnersuutigineqarpoq, isumaqatigiissutaalersussaq januaarip aallaqqaataani 2027-imiit 2031-mi decembarip 31-ata tungaanut atuutissasoq.

Neqerooruteqartitsinermit atoruni periarfissaavoq Inunnut tarnikkut ilungersuuteqartunut suussuserneqarsimanngitsunilli suliniutitut ornittakkamut ukioq ataaseq periarfissiissutigineqassasoq. Tassunga aningaasaliissutit 2025-imut missingersuutitut isumaqatigiissummut immikkoortinneqarput.

Ornittakkamik pilersitsinissamik aalajangiinissaq kinguartinneqarpoq, Aningaasaqarnermut Inuussutissarsiornermullu Ataatsimiititami ulloq 22. agusti 2025 aalajangerneqarmalli pilersitsinissaq immikkut sammisaqarnermit eqqartorneqassasoq. 2025-imi qulaajaaneq tunngavigalugu Suliffeqarnermut Isumaginninnermullu Ingerlatsivimmi nalilerneqarpoq, aningaasatigut sinaakkutaasut 800.000 kr.-it neqeroorummi periarfissanut killiliisut. Taamaattumik ingerlatsivimmiit nalilerneqarpoq, neqerooruteqartitsinermit atoruni killiliissutaasut ilaat ilaatinnessaat akuerineqarsinnaasoq, neqeroorutit marluusut akornanni aningaasartuutit avinneqarsinnaammata.

Neqerooruteqartitsinermit atorut pillugit ingerlatsivimmi isumaliutersuutigineqartut pillugit itisiliineq ilanngunneqarpoq, tassunga ilanngullugu inunnut tarnikkut ilungersuuteqartunut suussusersineqarsimanngitsunilli suliniut periarfissatut isumaliutiginissaa ilanngunneqassasoq.

Neqeroortitsinermut atorussat akuersissutigineqarnerisigut neqeroortitsinermut suliaqarneq Suliffeqarnermut Isumaginninnermullu Ingerlatsivimmit naammassineqassaaq, kiisalu neqerooruteqartitsinermi ajugaasoq isumaqatigiissusiorfigineqassalluni.

Ataani allassimapput suliakkiussinissamut piumasaqaatit taakkulu imminni uuttortarnissaat, neqerooruteqartitsinermi atorussani aalajangersarneqartut, ataatsimiititamiillu akuerineqartussat.

Piumasaqaatit allat	Pingaartitat
Suliatigut pitsaassuseq periaasissarlu	50 %
Aaqqissuussaaneq sulisullu piginnaasaat	30 %
Suleqatigiinneq, uppersaasaasiorneq aamma malinnaaffiginninneq	20 %

Ingerlatsivimmit aningaasatigut sulisoqarnikkullu naliliinerit

Neqeroortitsinermi atoruni ornittakkatut neqeroorummi ukiuni tallimani aningaasatigut sinaakkutitut ukiumut 5,34 mio. kr.-it aalajangersarneqarpoq. Tamatuma saniatigut inunnut tarnikkut ilungersuuteqartunut suussusersineqarsimanngitsunilli suliniummik pilersitsineq ukioq ataaseq 800.000 kr.-nik periarfissaqartumik aningaasartaqarpoq. Aningaasartuutit missingersuutini aningaasaliissutaareersut iluanni akilerneqassapput.

Ornittakkamut aningaasaliissutit piffissamut 2025–2027-mut immikkoortinneqarput. 2027-2030-mut missingersuusiornermut atatillugu suliniutitut ornittakkap ingerlariaqqinnissaanut siunnersuummik ingerlatsivimmit suliaqartoqarumaarpoq.

Missingersuusiornermut Naatsorsuusiornermullu Immikkoortortamit aningaasatigut naliliineq

Missingersuusiornermut Naatsorsuusiornermullu immikkoortoqarfik aalajangiussamut oqaaseqaatissaqanngilaq.

Inatsisitigut tunngavissaq allakkallu tunngaviusumik uppersaasaatillit

- Angerlarsimaffeqanngitsunut periusissiaq
- Angerlarsimaffeqanngitsuuneq pillugu immikkoortumut pilersaarut
- 2025-mi missingersuutit pillugit isumaqatigiissut
- Inersimasunut paaqqinniffiit immikkut siunertallit pillugit Inatsisartut peqqussutaat nr. 6, 28. aprili 1988-imeersoq
- Pisortat oqartussaaffigisaanni suliffeqarfiinilu nioqqutissanik kiffartuussinernillu pisinermut tunngatillugu neqerooruteqartitsisarneq pillugu inatsisartut inatsisaat nr. 6, 12. juuni 2019-imeersoq

Siusinnerusukkut aalajangiinerit

Isumaginninnermut Inunnullu Innarluutilinnut Ataatsimiititaq, 07.04.26:

Inassuteqaat akuersissutigineqarpoq.

Ilanngussaq

1. Neqerooruteqartitsinermut atorussatut siunnersuut
2. Neqerooruteqartitsinermi atorussani imaritinneqartut pillugit Suliffeqarnermut Isumaginninnermullu Ingerlatsivimmit isumaliutersiissutit
3. Suliamik saqqummiussissut AIA ulloq 22. agusti 2025, Inunnut tarnikkut ilungersuuteqartunut suussusersineqarsimanngitsunilli suliniut

Immikkut ittumik ataasiaannartumik imigassallersinnaanermut akuersissummik qinnuteqaat

Immikkut ittumik qinnuteqaat

Aalajangiiffigisassaq

SagID.: BOG-2021-033359-005

Suliffeqarfimmut Kiffartuussivik – vicekommunaldirektør Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

1. qinnuteqaat akuerineqassasoq

Suliassamik saqqummiussineq

Akisuanerit Festival immikkut ittumik ataasiaannartumik imigassallersinnaanermut akuersissummik qinnuteqaammik tunniussaqaarpoq, tallimanngorneq oktobarip ulluisa 2.-ni aammalu arfininngorneq oktobarip ulluisa 3.-ni 2026 nal. 21:00-miit nal. 03:00-ip tungaanut atugassamik.

Kommuneqarfik Sermersuumi imigassaq pillugu qinnuteqarfissaq atuuttoq naapertorlugu ataasiaannartumik imigassallersinnaanermut akuersissutit taamaallaat nal.: 01:00 tikillugu tunniunneqarsinnaasut.

Imigassaq pillugu inatsit naapertorlugu nal. 03:00 tikillugu immikkut ittumik ataasiaannartumik imigassallersinnaanermut akuersissuteqartoqarsinnaavoq.

Ukiut tamaasa Akisuanerit Festival Inussivimmi ingerlanneqartarpoq

Ingerlatsivimmit aningaasatigut sulisoqarnikkullu naliliinerit

Soqanngilaq.

Missingersuusiornermut Naatsorsuusiornermullu aningaasatigut naliliineq

Soqanngilaq.

Inatsisitigut tunngavissaq allakkallu tunngaviusumik uppersaattallit

- Imigassaq pillugu Inatsisartut Inatsisaat nr. 35, 23. november 2017-imeersoq
- Imigassaq pillugu Inatsisartut inatsisaata allannngortinneqarnera pillugu Inatsisartut inatsisaat nr. 9, 12. juni 2019-imeersoq (Inuusuttut imigassanik aalakoornartulinnik sassaalliuteqartarfinni piffissami qaqugu isersimasinnaanerannik allannngortitsineq, niuertarfinni nioqquteqarnermut piffissat ammaffiusartut sivitsorneqarnerat, imigassanik aalakoornartortalinnik ussassaarinerimik inerteqqutip atorunnaarsinneqarnera; imigassat aalakoornartortalit niuertarfinni assiaqusersorneqarnissaannik atorunnaarsitsineq aamma inuit sassaalliuteqartarfinni isersimanissaannik inerteqquteqarfigineqarsimasut pillugit paasissutissanik ingerlatitseqqinnissamut periarfissaliissut)

Ilanngussat

1. Immikkut akuerisassanngorlugu qinnuteqaat & tusarniaanermi politiit akissutaat

Nuummi Takornariaqarnermut pilersaarut

Nuummi inuussutissarsiornermik kiisalu takornariaqarnermut suliniutitut atugassarititaasunut pilersaarut

Aalajangiiffigisassaq

SagsID.: EMN-2025-00850

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Aningaasaqarnermut Inuussutissarsiornermullu

Ataatsimiititaq inassuteqaatigineqarpoq:

1. Nuummi inuussutissarsiornermik kiisalu takornariaqarnermut suliniutitut atugassarititaasunut pilersaarut akuersissutigineqassasoq
2. suliaq Kommunalbestyrelsimut akuersissanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit Inuussutissarsiornermut Immikkoortortaq suleqatigalugu Nuummi takornariaqarnermut pilersaarut saqqummiunneqarpoq.

Pilersaarummi inuussutissarsiornermik kiisalu takornariaqarnermut ineriartortitsineq tapersersorniarlugu atugassarititaasunik najoqqutassat aalajangersarneqarput.

Pilersaarutip siunertarivaa inuussutissarsiornermik takornariaqarnermullu ineriartortitsinerminunaminertanik tingoriaannaateqarnissaq kiisalu nunaminertanik atungassiisarnermi tingussaasunik pingaarnersiutinissamut atungassarititaasut najoqqutassat qulakkiissallugit.

Pilersaarummi sunik nunaminertanik pisariaqartitsisoqarnersoq, atuuffiit suut sumi inissinneqassanersut, kiisalu piffissamut sivikitsumut, akunnattumik sivilissusilimmut aamma piffissap ungasinnerusumut tulleriiaarnermut pilersaarut nassuiaatigineqarput. Erseqqissaatigineqassaaq suliniutit tamarmik pisortanik aningaasaliiffigineqartariaqanngitsut, pissutigalugu nunaminertanik atungassiinerit suliniutissatullu pilersaarutit namminersorlutik suliaqartartunut periarfissiisuullunilu najoqqutassiisuummata. Suliniutit pingaarnertut pilersaarummi tassa tamakkiisumik pilersaarummi saqqummiunneqarput, immikkoortunilu pingasuni ukkataqarfiusuni sukumiisumik nassuiaatigineqarlutik: illoqarfiup oqaluttuassartaa, kulturi nutaaliaasooq aamma nunap timaanut aqqutitut ittoq. Suliniutissatut siunnersuutini ilaapput ikorfartuutaasinnaasut annikitsut, soorlu issiaviit takisuut, isikkiviit aamma allagartat paasissutissiiviit, illut angissutsimikkut akunnattut soorlu bussinik unittarfiit, tamanut perusersartarfiit, takornarianut paasissutissiiviit aamma pavillonit/tuniniaaviit kiisalu atortuutit annerit soorlu sammisassaqaartitsiviit, kulturimut tunngasunik isiginnaartitsiviit, tikeraat ornittagaat aamma tikikkuminassutsimut iseruminartuutitsinissamullu aqqissuussat. Tulleriiaarnermut pilersaarut aqutsinermut atortussiaavoq, tassunga tunngatillugu ineriartortitsinermin pisariaqartitat aamma sulisoqarnikkut aningaasaqarnikkullu inissisimaneq aallaavigalugu suliniutinik nutaanik atuutilersitsisarnermi pingaarnersiutinissaq qulakkeerneqartassaaq.

Pilersaarut siumoortumik tamakkiisumik sumiiffinnilu misissueqqissaarnerit kiisalu Takornariaqarnermut attaveqaatinik peqataatitsineq ulloq 17. juuni 2025-mi aamma innuttaasunik peqataatitsineq ulloq 28. aggusti 2025-mi tunngavigalugit suliarineqarpoq. Isumassarsiat paasissutissallu tunniussuunneqartut matumani pilersaarutitut siunnersuummi ilanngunneqarput.

Pilersaarut Kommunimut pilersaarut 2036-mut tapertaassaaq, pilersaarutillu kingunerisaanik Kommunimut pilersaarummut ilaassutissamik suliaqartoqassaaq, taamaalilluni nunaminertat

atugassiissutissatut aamma ineriartortitsinissamut suliniutitut siunnersuutit pilersaarusiorneqarnissaat qulakkeerneqassaaq.

Tamatuma saniatigut pilersaarut kommunimi periusissiatut aalajangersakkanut politikkinullu, tassunga ilanngullugit pilersaarusiornermut periusissiaq aamma takornariaqarneq pillugu politikki, tapertaavoq.

Ingerlatsivimmit aningaasatigut sulisoqarnikkullu naliliinerit

Pilersaarusiorneq Inuussutissarsiornermut Immikkoortortaq peqatigalugu aningaasaliiffigineqarpoq. Ingerlatsivimmit ukioq naallugu suliaqarnerit 1/5-it nalingi atorineqarput naatsorsuutigineqarlunilu kommunimut pilersaarutip aaqqissuunneranut taamatut atuisoqassasoq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunimut pilersaarut 2036
- Pilersaarusiornermut periusissiaq 2023
- Takornariaqarneq pillugu politikki
- Illoqarfiit pingaarnersaat pillugu periusissiaq Nuuk 2035

Ilanngussat

1. Nuummi Takornariaqarnermut pilersaarut

Umiarsuit takonariartaatit akiliutaannit takonariaqarnermut suliniutinik pingaarnersiuneq

Aalajangiiffigisassaq

SagsID.: EMN-2026-00963

Suliffeqarfiup iluani Kiffartuussivik - vicekommunaldirektøri Marie Fleischer (MAFL)

Inassuteqaat

Suliffeqarfiup iluani Kiffartuussivimmit Aningaasaqarnermut Inuussutissarsiornermullu

Ataatsimiititamat inassuteqaatigineqarpoq:

1. 1,5 mio. kr.-it sinneruttut iluanni takonariaqarnermut suliniutit allattorsimaffianni ataaniittumi ataatsimiititaq pingaarnersiuissoq.
2. pingaarnersiunerit aalajangiiffigineqartut kommunalbestyrelsimut ilisimatitsissutitut ingerlateqqinneqassasut

Suliassamik saqqummiussineq

Ataatsimiititaq ataatsimiinnermi ulloq 23.03.2026 Ittoqqortoormiini Inutsu Quddermut pilersaarummut 500.000 kr.-it atorineqarnissaat akuersissuteqarpoq.

1,5 mio. kr.-it sinneruttut takonariaqarnermut suliniutaasinnaasut allattorsimaffiat tunngavigalugu pingaarnersiorneqassapput.

Aningaasat umiarsuarmat takonariartut akiliutaanneersuupput aamma najukkami nunallu immikkoortuani takonariaqarnermut tapertaassallutik siuarsaassallutillu kiisalu kingunerisinnaasat pitsaanngitsut millisinnissaannut atorineqassallutik.

Suliniutaasinnaasunut allattorsimaffik:

Tasiilaq:

- Inuussutissalerinermut pikkorissarneq – 150.000 kr.
(najukkami suliaqartut piginnaasanik ineriartortitsinerat)
Suliniut "Food in tourism" takonariaqarnermit inuussutissarsiorlut kissaataat tunngavigalugu ineriartortinneqarpoq. Pikkorissartitsinermit takonariartitsisut siunnerfigineqarput. Aallartisaasut aamma annikinnerusumik inuussutissanik nioqqutillit takonariartitsinermit inuussutissarsiornermi najukkami nerisassianik atuinermit nukittorsaanermik siunertallit.

Paamiut:

Umiarsuarnik takonariartitsisarnermit aamma najukkami umiatsianik naammanngitsunik inissalinnik isumaginninnissamat pitsaanerusumik atorulersuuteqarnissaq pisariaqartinneqariartuaarpoq.

Suliniutaasinnaasut marluupput:

- Suliniut 1:
Toqqavissamik pilersitsineq kiisalu puttasunik ikkussuineq – 475.000 kr.
(toqqavissamik nutaamik pilersitsineq ikkussuunneri isumannaallisaatillu ilanngullugit)

- Suliniut 2:
Tunngavissanik marlunnik pilersitsineq kiisalu puttasunik ikkussuineq – 649.000 kr.
(inissamik naammattumik aamma siunissami isumannaatsumik ingerlatsinissamut qulakkeerinnittumik alliliilluni aaqqiissuteqarneq)

Maluginiarneqarpoq, toqqavik pioreersoq atorsinnaanngitsoq, aamma puttasut ataatsit pisiarineqareersut toqqorsivimmiittullu.

Nuuk:

- Takornarianut paasissutissiisarfittut allaffik nuunneqarsinnaasoq: – 750.000 kr.
(inuussutissarsioritunit kissaat – takornarissanik pitsaanerusumik tigooraaneq aqutissiuussinerlu)
- Takornarissat naapiffii (meetingpoints) nunap assitallit – 30.000 kr.
(tallimanik tamanit tikinneqarsinnaasunik naapiffinnik nalunaarsugartallinnik paasissutissartallinnillu allagartalersuinerit attuumassutilinnik pilersitsineq, aaqqiissuussinerit, aqutissiuussinerit (guidning) aamma illoqarfimmi pitsaanerusumik tikerartitsinerit tapersiisunik.)

Kommuneqarfik Sermersooq (assigiinngitsuni):

- Isikkivittalinni qinngutiniq ikkussuineq, 10-t – 500.000 kr.
(ukunani ikkussuineq: Tasiilaq, Kuummiut, Kulusuk, Sermiligaaq, Tiilerilaaq, Isertoq, Paamiut, Arsuk, Ittoqqortoormiit, Kapisillit)

Isertitat tunngaviat (2025) 2026-mi agguataagassanngorlugu:

Nuuk:	2.625.000 kr.
Paamiut:	850.000 kr.
Tasiilaq:	900.000 kr.
Ittoqqortoormiit:	125.000 kr.
Katillugit:	4500.000 kr.

Allattorsimaffimmut tunngavigisaq:

Allattorsimaffimmut ilaapput siusinnerusukkut suussusersineqarsimasut suliniutit kiisalu ilassutitut suliniutit aamma najukkami inuussutissarsioritunit isummat tunngavigalugit kiisalu ornitassani inuttaasunik ataatsimiititsinerit aqutigalugit paasissutissat katersorneqartut ornigassamik takornariaqarnermik ataqatigiissarisuniit katersat.

Qernertunnguit Kangerluanni perusersartarfiup tamanit atorneqarsinnaasup pilersinneqarnera imikumut pilersaarutitigut aningaasaliiffiqineqassaaq taamaattumillu pingaarnersiugaasunut ilaatinneqarani.

Takornariaqarnermut suliasaqarfik tamatuma saniatigut ingerlatsinerit missingersuuteqartoq, taannalu suliniutinut ataavartumik atorneqartartoq, matumani assersuutigalugu allagartalersuinerit pitsanngorsarneqarnerat ilanngullugit.

2025-mi isertitanut tunngaviit ukuupput aamma imatut agguataarneqarput (2024):

	Isertitanut tunngaviusut	Tunniussineq
--	--------------------------	--------------

Nuuk:	1967.750 kr.	1050.000 kr.
Paamiut:	259.800 kr.	650.000 kr.
Ittoqqortoormiit:	321.300 kr.	650.000 kr.
Tasiilaq:	46.150 kr.	150.000 kr.
Katillugit:	2595.000 kr.	2500.000 kr.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersooq umiarsuarnik takornariartaatit akiliutaannit aningaasanik pissarsivoq, taakkuninngalu sinneruttut 1,5 mio. kr.-it pingaarnersiorneqassallutik. Aningaasat takornariartitsinermi suliniutinut atugassanngortinneqarput nalinginnaasumillu ingerlatsinermi missingersuutinut ilaanatik.

Nalinginnaasumik suliniutinik aqutsinerup saniatigut ingerlatsivimmut sulisutigut annerusumik kinguneqartitsisinnaanera naatsorsuutigineqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit Namminersorlutik Oqartussat nalunaarutaat nr. 81, 21. december 2023-meersoq.

Ilanngussaq

1. Iliuusissatut pilersaarut – Visit East Greenland
2. Iliuusissatut pilersaarut – Visit Paamiut
3. Iliuusissatut pilersaarut – Visit Nuuk
4. Attaveqatigiinnermut siunertaq – Visit Nuuk

2027-mut Missingersuusiornermut malittarisassat

Aalajangiiffigisassaq

SagsID.: EMN-2024-03467

Suliffeqarfiup iluani Kiffartuussivik – Kommunaldirektøri Ole Jakobsen / OJAK

Innersuussut

Suliffeqarfiup iluani Kiffartuussivimmit Aningaasaqarnermut Inuussutissarsiornermullu

Ataatsimiititamat inassuteqaatigineqarpoq:

1. 2027-mut missingersuusiornissamat missingersuusiornermut malittarisassat akuersissutigineqassasut
2. suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Kommunip Ingerlatsinermut Aningaasaqarnermullu Aqutsinermut Najoqqutassiaa naapertorlugu, Aningaasaqarnermut Inuussutissarsiornermullu Ataatsimiititaq missingersuusiornissamat malittarisassanik saqqummiussiffigineqassaaq, ukiumi tulluuttumi missingersuutit suliarineranni aningaasaliissutigineqartussanik aalajangersaaffiusumik. 2027-mut missingersuutit suliarineqarnissaannut missingersuusiornissamat malittarisassat matumuuna Aningaasaqarnermut Inuussutissarsiornermullu Ataatsimiititamat akuersissutigineqarnissaannut saqqummiunneqarput. Missingersuusiortarneq pillugu malittarisassani missingersuusiortarneq qulakkeerniarlugu politikkikkut piffissaliussamik siunnersuummik aamma saqqummiussisoqarpoq. Taamaattumik piffissami missingersuutit piffissaqarlualuni politikerinit suliarineqarnissaat pingaartinneqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Suliffeqarfimmut Kiffartuussiviup saqqummiussaq tamakkiisutut isigaa. Taamaattumillu inngersuussutigalugu maleruqaqqusat akuersissutigineqassasut, akuersissutigisassanngorlugillu Kommunalbestyrelsimut ingerlateqqinneqassasut.

Inatsisitigut tunngavissaq allakkallu tunngaviusumik uppersaattillit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allannngortinneqarnissaa pillugu Inatsisartut inatsisaat nr. 13, 1. december 2021-meersoq (Missingersuutit inissisimanerannik naatsorsueriaatsimik allannguineq, nammineq aningaasaatinik naleqqusnaanissamat ataasiaannartumik akuersissut aamma pisortat ataatsimoorlutik qarasaasiaatigut aqqissuussaat pillugit malittarisassaannik erseqqissaaneq)
- Kommuneqarfik Sermersuumi Kommunalbestyrelsimi Aqutsinermut Iteqqoreqqusaq
- Kommuneqarfik Sermersuumut piginnaatitsinermik agguataarinissamat pilersaarut
- Ingerlatsinermut Aningaasaqarnermillu Aqutsinermut Najoqqutassiaq Aningaasaqarnermillu aqutsineq

Ilanngussaq

1. 2027-mut missingersuutitut missingersuusiornissamut malittarisassat

Kommunimut pilersaarummut tapiliussatut siunnersuut nr. 15, 4B4 Inuussutissarsiuqarfik, Avannamut kangimut, Nuuk pillugu tamanut tusarniaaneq

Aalajangiiffigisassaq

SagsID.: EMN-2026-01038

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. kommunimut pilersaarummut tapiliussatut siunnersuut nr. 15, 4B4 Inuussutissarsiuqarfik, Avannamut kangimut, Nuuk, sapaatip akunnerini arfinilinni tamanut tusarniaanissaq akuersissutigineqassasoq
2. suliaq ilisimatitsissutitut Kommunalbestyrelsimut ingerlateqqineqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut nr. 15, immikkoortup ilaanut 4B4 Inuussutissarsiuqarfik Nuummi Avannamut kangiutungaaniittoq matumuuna saqqummiunneqarpoq.

Illersornissaqarfimmi sulisut utaqqiisaasumik inissinneqarnissaasa periarfissaalernissaannut kommunimut pilersaarummut tapiliussaq suliarineqarpoq. Utaqqiisaasumik inissiffissaq piffissami killiligaannarmi akuersissutitut tunniunneqarsinnaavoq tassaniissinnaappullu containerit inissiffissat, tupiliat assigisaaluunniit nuunneqarsinnaasut.

Akuersissutip atorunnaarsinneqarnerata kingorna immikkoortoq torersarneqarsimalluni kommunimilu malittarisassat malillugit qimanneqassaaq.

Immikkoortoq Illersornissaqarfiup inissiffissaatut atorneqarnera atorunnaarsinneqareerpat, immikkoortoq inuussutissarsiuqarfittut ineriartortitsiffiusussatut atorneqassaaq.

Ingerlatsivimmit aningaasatigut sulisoqarnikkullu naliliinerit

Pilersaarummut tapiliussamik suliarinninnermi ukiumut 1/10-mik sulinermut atorneqarput ingerlatsivimmilu ingerlatsinermut missingersuutitut ilaalluni.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq

Inatsisitigut tunngavissaq allakkallu tunngaviusumik uppersaatiillit

- Pilersaarusiorneq aamma nunaminertat atorneqartarnerat pillugit Inatsisartut inatsississaannik nalunaarut nr. 4, 25. januaari 2024-meersoq.
- Kommunimut pilersaarut digitalusoq www.kp.sermersooq.gl

Ilanngussaq

1. Kommunimut pilersaarummut tapiliussassatut siunnersuut immikkoortup ilaanut nr. 15 4B4 Inuussutissarsiuqarfik Avannamut kangimut, Nuuk

Aningaasaqarnermut Inuussutissarsiornermullu Ataatsimiititaq, 21.04.2026

Nuummi Qamutit SAR-imeersunut aningaasatigut tapiissuteqartoqarnissaanik qinnuteqaat

Oqaluuserisassaq

SagsID.: EMN-2026-01168

Pisortaqtigiiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqtigiiit Allatseqarfiannit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. Qamutit SAR-imeersunut aningaasatigut tapiissuteqartoqarnissaanik qinnuteqaat eqqartorneqassasoq

Suliassamik saqqummiussineq

Pisortaqtigiiit Allatseqarfiat Nuummi Qamutit SAR-imeersunit aningaasatigut tapiissuteqartoqarnissaanut qinnuteqaammik tigusaqarpoq.

Qamutit SAR-imeersut 15-it missaanniittunik aputip sisoornerani annaassiniaasarnermik, ujaasinnermik ikiueqqaarnissamillu annertuumik misilittagaqartuusunik namminneq kajumissutsiminnik annaassiniaasartoqarput. SAR-imeersut amerlanertigut siusinaartumik iliuuseqartartuullutik nukissatut ilaasarput, pisoqarnerillu ilaanni kisiartaallutik ornitassamut apuussinnaasarput, nunap timaani angalaareertarmata silarlutsillugulu sukkasuumik isumannaatsumillu suliaqarnissaminnut piginnaasarlutik.

Qamutit SAR-imeersut naammassisinnaasaannik suli ineriartortitsinissaminnut tapiiffigineqarnissamut qinnuteqarput, taamaalillutik upalungaarsimaneq pinaveersaartitsisarnerlu pitsanngorsaaviginnaaqqullugit.

Qamutit SAR-imeersut aningaasaliiffigeqqinneqarnermikkut:

- Navianartorsiortoqartillugu annaassiniaanermut atortut pitsaanerulersissinnaavaat aserfallatsaaliorlugillu
- Atortussat pisariaqartut pisiarisinnaavaat
- Kajumissutsiminnik suliaqartui qasujaallisarnerusinnaalissapput ilinniagaqartissinnaallutillu
- Pikkorissaanikkut paasissutissiinikkullu pitsaaliuinnermi iliuuserineqartartut inerisarsinnaavaat.

Qamutit SAR-imeersut oqartussaasunit innuttaasuniillu pisariaqartinneqaleraluttuinnarput aamma Nuummi eqqaanilu sillimaniarnermik suli pikkorinnerulertoqarsinnaanera malugaat.

2025-mi Qamutit SAR-imeersut kommuniminngaanniit 50.000 kr.-nik tapiiffigineqarnikuupput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq.

Ilanngussaq

1. Qinnuteqaat

